


TEZAU LITURGIC

14 APRILIE

ACATISTUL SF. IERARH- MĂRTURISITOR MARTIN I, EPISCOPUL ROMEI



MOSCOVA, 2000



Акафист Святителю Мартину Исповеднику

Кондак 1

Избранный Воеводою и Господом Сил на Кафедру Святейшей древней Церкви Римстей. Украсил еси собою Петров Божественен Престол, и на того камене Церковь Православную непоколебиму соблюд, Мартине, и с Верховным Апостолом прославился еси дивно в невечернем дне Царствия Христова. Сего ради, да зовем ти:

Радуйся, святителю Мартине, твердя веры православныя, Исповедниче.

Икос 1

Архангелы и ангелы пришед на Собор во град святой Рим со апостолы Петром и Павлом, вразумляя Святых Отцев Церкви вруčiti ти Престол святых Первоверховных Апостолов во время тяжкое и лютое, егда Церковь Божия раздираема бысть волками лютыми и дивими, расхищающими стадо Христовых словесных овец. Ты же, приял еси благодать Первосвятительства, святейшим твоим словом, Отче, Церковь Божию упасл еси, всесвященное

учение яве утвердил еси, еретические полки
низверг еси. Сего ради прими от нас сицевая:
Радуйся, Мартине, православных учений
наставниче всеславне;
Радуйся, Верховника священных повелений
хранителю неложне;
Радуйся, лжи истеннейший обличителю;
Радуйся, словесе Божественного учителю;
Радуйся, реко, духовных вод исполненна;
Радуйся, приснонаполняющий души наша ко
благоплодию разумному;
Радуйся, свещнице, благочестия светом сияюще;
Радуйся, горо, точащая Божественное
радование;
Радуйся, священнодействинниче
священнейший;
Радуйся, чудодетелю честнейший;
Радуйся, Божественных словес изъяснителю;
Радуйся, смрадных ересей обличителю;
Радуйся, святителю Мартине, твердя веры
православныя, Исповедниче.

Кондак 2

Видя, Святителю, плевелы Павлом, патриархом
Цареградским, разсеяваемыя посреде пшеницы
благочестивыя веры, уразумев сие, яко учение
еретическое и зловерное, противу глаголемое
учению Святых Отцев, иже в Халкидоне, сый

исполнен, Всеблаженне, Божественная ревности, собрал еси священнен, Мартине, собор, иже в Латеране, церковное утвердил еси предание. Посреде же Собора отверг еси Пирра, Сергия и Феодора, Кира же и подобныя, тем бусловящая злославныя. Учение же православное: иже существа два и две воли, и действия сугуба исповедующе, со Святыми Отцы вопия Богови: Аллилуиа.

Икос 2

Разум недуговавший, безумнаго Павла, патриарха, во Христе едину мудрствующаго волю, разумом истинным и верою украшаем, обличил еси, Мартине, явственнo. Сына Отцу равночестна и сопрестольна исповедал еси. Во Единой Ипостаси действия два, носяща, проповедал еси. Мы же, тобою в вере утверждаеми, взываем тебе таковая:

Радуйся, Мартине, учиниче апостола Петра, верный;

Радуйся, священнодетелю, всехвальне, скинии истинныя;

Радуйся, хлебом неснедаемым паству свою насытивый;

Радуйся, Чаше, пива Божественнаго точащая;

Радуйся, венцем неувядаемым от Бога увенчанный;

Радуйся, блаженства Богоизбранного
сподобивыйся;
Радуйся, ходатаю к Богу о всяком человеце
присный;
Радуйся, вознице, всех ведущих во обители
Горняя;
Радуйся, свеще, на Кафедре Римстей ярко
горевшая;
Радуйся, светильниче, свете жизни имущий;
Радуйся, от запада убо исходяща;
Радуйся, и даже на востоце убо являющаяся;
Радуйся, святителю Мартине, твердыя веры
православныя, Исповедниче.

Кондак 3

Силою вражиею из Рима нуждею изгнан бысть,
отче блаженне Мартине, неправедно от престола
своего отлучаемь. От человек неправедных
пострадати благоволил еси. Стоя среди
пребеззаконнующих, яко законен страдалец, от
них оскорбляемь и наругаемь, и влачаемь все,
пребыл еси в вере непревращен, выну поя
Богови: Аллилуиа.

Икос 3

Имея воистину богатство неистощимое в
сокровищнице сердца своего сокровенное,
учение святоотеческое о Святей Троице,

священнейшим твоим словом, отче, всесвященное учение яве утвердил еси, еретические полки низверг еси, претерпеваше изгнания и темницы, и скорби многи, всю разсеял еси ереси прелесть. Сего ради терпению твоему дивящися, вопием ти тако:

Радуйся, страдальче всехвальне;

Радуйся, мучениче предивне;

Радуйся, многовременныя темницы претерпел еси;

Радуйся, яко хранитель непорочныя веры пребыл еси;

Радуйся, еретическую тьму умалил еси;

Радуйся, светом спасительным, учения Христова, вся просветил еси;

Радуйся, лукавых человек уста заградил еси;

Радуйся, верных пети хвалу Богови научил еси;

Радуйся, подвигом исповедничества украсился еси;

Радуйся, с патриаршими лики и святителями соприсчислился еси;

Радуйся, от запада до востока возгремел еси;

Радуйся, зарями благочестия и Землю Русскую просветил еси;

Радуйся, святителю Мартине, твердыя веры православныя, Исповедниче

Кондак 4

Буря помышлений сумнительных смущает наш ум, како святитель Христов от беззаконных поругаем бывает. Враждебно ты, якоже зверие влекоша, веригами связаша, посреде града ругательно укоряше и хуляше, и без стыда на ты нападающа. Ты же все мучения претерпел еси, Первоверховному Предшественнику своему подражая, взываше Богови: Аллилуиа.

Икос 4

Слыша Павел, патриарх цареградский, дыхание смерти над ним крылья своя простершия, клятвою увещаваше царя, да престанет более озлобляти Святаго Старца. Кесарь же злобою дышуще, не прияша моления патриарха, паки и паки Страдальца мучению предаде, в темницу всади его, посем в заточение в Херсонес сосла, идеже гладом, теснотою и всяким потреб недостатком моримый по двою лету ко Господу отыде. Мы же славя скончание мучений твоих и ко Господу преселение, вопием тебе сиче:
Радуйся, волки пришедшия в кожах овчих, далече от стада Спасова отгнал еси;
Радуйся, раздранную ризу Христову и растерзанную песьими челюстями, мудре сшил еси;

Радуйся, апостольских преданий хранителю был еси;

Радуйся, Христа Иисуса, яко Бога же и человека, две воли и действия имуща, православно проповедал еси;

Радуйся, жертва и жритель был еси;

Радуйся, пожерл еси себе Богу веры ради;

Радуйся, умертвился еси, богоглаголив, миру всему;

Радуйся, Единому же Богу жив пребыл еси;

Радуйся, священным помазанием и мученической кровию к Богу приблизился еси;

Радуйся, многообразных ради мучений в нетления ризу облеклся еси;

Радуйся, на небесех ныне живещи;

Радуйся, Божественному Престолу присно предстоиши;

Радуйся, святителю Мартине, твердя веры православныя, Исповедниче.

Кондак 5

Боготечная звезда явился еси, преблаженне отче Мартине, возсиял еси к востоком от запада, всю зарями землю просветил еси и отгнал еси тьму еретическую глубочайшую, и всех научил еси зывати Богови: Аллилуиа.

Икос 5

Видеша архиереев и священниц множества,
страха ради кесарева, учение еретическое
принимающих, восстал еси пред судищем
судящих тя, осуждая прелесть проповедающих
едину во Христе волю, и мученическим
украчился еси венцем. Того ради слышиши ото
всех сице:

Радуйся, страждущих прославление;

Радуйся, мучеников величание;

Радуйся, железом окованный, непреткновенно
стезею Христовою шествовавый;

Радуйся, кровию своею обогранный, вшедый во
Святая Святых;

Радуйся, постом, страстныя игранья отогнавый;

Радуйся, воздержанием, желание претворивый;

Радуйся, безбожия пустыню, рекою твоих
трудов напоивый;

Радуйся, в море слез своих, фараона мысленного
потопивый;

Радуйся, в кровныя капли со слезами
смешанныя, многообразнаго змия погрузивый;

Радуйся, вместо трудов и болезней, красоту
Едемскую зрети сподобивыйся;

Радуйся, в темнице заточенный, ересь в небытие
затворивый;

Радуйся, со престола низложенный, врагов и
супостатов Церкви Божией низложивый;

Радуйся, святителю Мартине, твердя веры православныя, Исповедниче.

Кондак 6

Проповедь словес твоих, Богомудре, во всю землю дивно изыде. Тем же явися предтечею Вселенскаго Собора, иже в Царьграде, сего ради на небесех обрел еси мзду трудов твоих, демонския погубил еси полки, ангельские достигл еси воинства, ихже житию без порока поревновал еси, дерзновение имея ко Спасу, вопия Ему: Аллилуиа.

Икос 6

Возсиял еси, Мартине, Троицы рачителю, в тебе новый апостол Павел, научающа письмены своими ясно вере Божественней, еже славити Христа во двою естествах, волях же и действиях суща, сего ради в песнях достойных, вернии того почтим взывающе:

Радуйся, проповедниче веры;

Радуйся, заграждение скверных, незатворенныя уста;

Радуйся, благодать Духа источивый от сладкого и медоточного твоего языка;

Радуйся, огонь горящ на ереси;

Радуйся, Философе, разум земнородных и небесных в себе собравый;

Радуйся, премудре, безмерным желанием подобником Христа явился еси;
Радуйся, подражателю Спасовых страстей;
Радуйся, на Кресте своем Христу сраспялся еси;
Радуйся, живоносное заре и солнце, заблуждшим;
Радуйся, трубо Божественная, возгремевшая учение Христа неслышашим;
Радуйся, саде новоцветный в вертограде Христовых святителей;
Радуйся, плоде божественного разума, имже питаются вернии;
Радуйся, святителю Мартине, твердыя веры православныя, Исповедниче.

Кондак 7

Хотя богомерзкия ереси кромешную тьму разсеяти, свете воистину Богосветлый явился, Мартине, людие римстии усердно пасый, весь мир своими благодатными лучами наполнил еси. И от нас убо богохульные ереси отжени, да благоприятно Богу вопием: Аллилуиа.

Икос 7

Новога тя Самсона воителя на сопостаты разумеем, отче святой Мартине, нашествие филистимлян новых на богоизбранный народ православный оружием святительства своего

отражающа, мир и тишину же божественную водворяюще, вопиющим таковая:

Радуйся, облечися во браню правды;

Радуйся, возложи на ся шлем и суд нелицемерен;

Радуйся, приявый щит непобедимый преподобия;

Радуйся, приемый силу от Вышняго;

Радуйся, препоясавыйся мечем духовным глагола Божия;

Радуйся, обувыйся в сандалии истины, во еже наступити на главу древняго змия;

Радуйся, прияша венец доброты от руки Господней;

Радуйся, дана ти от Господа держава Царствия;

Радуйся, в вои с сопротивными яко злато в горниле заколенный;

Радуйся, яко всеплодие жертвенное приявый;

Радуйся, яко истину присно глаголят уста твоя;

Радуйся, яко мерзки пред тобою уста лживыя;

Радуйся, святителю Мартине, твердя веры православныя, Исповедниче.

Кондак 8

Странствия земнаго течение совершил еси, во обители горняя преселился еси. Сердцем верующе в правду, усты же исповедующе во спасение, яко Господь име два естества и воли

две, и нас научил еси присно воспевати Ему:
Аллилуиа.

Икос 8

Весь исполнися любви Христовой, яко пастырь
добрый, душу свою полагает за овцы, данные
стада тебе верно упасл еси, многия ради пользы
был еси столп и утверждение истины, сего ради
вопием ти усердно:

Радуйся, пастырю добрый, овцы на пажитех
тучных питавай;

Радуйся, страже неусыпный, от волков хищных
стада своя сохранивай;

Радуйся, овцы заблудшия ко Христу
возгласивый;

Радуйся, ересьми ослепленные, во ограду
Церкви Христовой призывай;

Радуйся, пастырю предобный, спасающий
словесное стадо от всяких бед;

Радуйся, двери, еюже овцы вниде во двор
Отчий;

Радуйся, пастырю прелюбимый, душу свою
положивый за овцы;

Радуйся, пище духовная, алчущую паству
Евангельским словом питавай;

Радуйся, скорбящим, Божественная радость;

Радуйся, болящим, скорое исцеление;

Радуйся, пристанище тихое, в неже притекающие спасаются;
Радуйся, избавителю готовнейший, хранителю, спасительный всем;
Радуйся, святителю Мартине, твердя веры православныя, Исповедниче.

Кондак 9

Всю разсеял еси ереси прелесть, мученически подвизаяся, болезни многи, Мартине, претерпел еси, за Христа Бога, дремания твоим веждом не дал еси, дондеже вселение Богу был еси, и ныне изшел еси к неболезненной жизни, вопия Богови: Аллилуиа.

Икос 9

Витийствующие уста бездверныя лукавых человек заграждаются твоим словом, досточудне отче Мартине, разседся лукавый при ногу твоею священною, и является сияющи учение Божественное паче солнца, сего ради светом небесным облистаети, вопием тебе похвальная:
Радуйся, апостолов приемниче;
Радуйся, страдальцев единоправниче;
Радуйся, постников единоревнителю;
Радуйся, догматов предложителю;
Радуйся, истины водружение;
Радуйся, веры утверждение;

Радуйся, чистоты селение;
Радуйся, благовоние Духа;
Радуйся, превеликое сокровище познаний;
Радуйся, основание Христовой Церкви;
Радуйся, Боготочная реко разумений;
Радуйся, потопление богопротивных учений;
Радуйся, святителю Мартине, твердыя веры
православныя, Исповедниче.

Кондак 10

Спасти хотя людие земли Корсунския,
молитвенником за отечество свое новое явился
еси, Мартине. Землю Русскую святым гробом и
телом твоим обогатил еси, при нем же в церкви
Влахернстей святой равноапостольный князь
Владимир святое Крещение прияти изволил
есть, вопия тобою прославляемому Богу:
Аллилуиа.

Икос 10

Стены новаго Иерихона-Царьграда
возтрепетаху, немогущии слышати трубный глас
обличений твоих, богоглаголиве отче Мартине.
Камение же мертвии возопиша, зане сердца
людей окаменеша. Мы же тя, Иисуса Навина,
разумеем, ведущаго нас в землю обетованную и
вопием к тебе сицевая:

Радуйся, скверну окамененных сердец наших отымающий;

Радуйся, камению, из него же изтече живоносная вода пучино;

Радуйся, жезле священства Ааронова, мертвую душу нашу прозябший;

Радуйся, манно богоданная, ею же сладостно нас питавай;

Радуйся, плоде земли обетования, его же нам в снедь Господь дарова;

Радуйся, агне непорочне, на заклание себе нас ради приведый;

Радуйся, ветве райская, она же даровася нам в знамение жизни вечныя;

Радуйся, зеркало, в нем же имамы отражение грядущаго;

Радуйся, звездо, ведущая нас к яслем Спасителя;

Радуйся, столпе огненный, во тьме греховной блуждающим;

Радуйся, древо многолиственное, под сенью своею в знои трудов всех укрывающее;

Радуйся, одеждо теплая нагих, в мразе и хладе живущих;

Радуйся, святителю Мартине, твердыя веры Православныя, Исповедниче.

Кондак 11

Пением ангельским душу твою сопровождаху
вои небесныя, егда преселился еси от сего
временнаго к небесному, святителю отче
Мартине. Гроб же твой, идеже почивает честное
тело твое благоухание источает, яко рай Божий,
облагоухая верныя. Мы же окрест его
сбравшись в веселии поем: Аллилуиа.

Икос 11

Светоносная твоя, отче Мартине, возсиявши
память. Просвещает души благоговейно сию
совершающих, и причастники Божия света
явленно совершает. Юже достойно, Богомудре,
песнями величаем:

Радуйся, светолитием Христовым просвещаемь,
омраченную мою душу просвети;

Радуйся, венец победы носяща и почести
приемша, ихже и нас общники сотвори;

Радуйся, имевый власть вязати и решити,
разрешити зол моих соуз;

Радуйся, любви Божией причастниче, соделай и
Царствия Небеснаго мя причастника;

Радуйся, жезлом веры отгоняеши ересей
ловитвы, отгони от нас ересей множество;

Радуйся, морем веры исповедания прелести
угасил еси злословие, угаси и огонь неверия
иссушающаго мя;

Радуйся, страданиями твоими, яко мечем, бесовския полки победил еси, и чтущих тя, ихже злобы избави;

Радуйся, мучений ради наслаждаешься божественнаго радования, со Всеми Святыми, имже общники и нас быти сподоби;

Радуйся, целомудрия чистоты препоясався мужеством, даждь и нам чистоту целомудрия;

Радуйся, плотския мудрствования умертвил еси, умертви и телесныя страсти озлобляющия нас;

Радуйся, терпением твоим низложил еси вся шатания лукаваго, и молитвами твоими научи нас терпению;

Радуйся, благодать исцелений от руки Божественныя достойно приял еси, и недуг неудобных исцели моих тысящи;

Радуйся, святителю Мартине, твердыя веры православныя, Исповедниче.

Кондак 12

Благодать излилася во устнах твоих, небомудренне отче Мартине, был еси пастырь Христовой Церкви, уча словесныя овцы, веровати во Единого от Святыя Троицы, яко Бога и человека, воли носяща прилично обеа естествома. Сего ради днесь святую твою память светло празднуем, вопия тобою славимому Богу: Аллилуиа.

Икос 12

Песньми и псалмы совокупльшися, твою славную память, Мартине, светло восхвалим днесь. Яко благолепна бо возсия и светоносна, украшена славою и благодатию. Темже играют ныне ангельстии чины, хвалят же мученицы со апостолы, твоих подвигов, Исповедниче, страдания. Темже и мы вопием тебе с ними:

Радуйся, учений Божественных основание незыблیمое;

Радуйся, друже Христов и сосуде честный;

Радуйся, духовный органе, грома Божественного мановение;

Радуйся, рая Божественного, благорасленный свете;

Радуйся, Троицы Всесвятыя, рабе благий и верный;

Радуйся, чинов Ангельских, сослужителю присный;

Радуйся, людей православных, славное величание;

Радуйся, поколебавшихся в вере, крепкое утверждение;

Радуйся, за истину униженных, возстание;

Радуйся, неповинных, от клеветы разрешение;

Радуйся, яко тобою от вечныя муки свободдаемся;

Радуйся, яко тобою вечнога Царствия сподобляемся;
Радуйся, святителю Мартине, твердя веры православныя, Исповедниче.

Кондак 13

О, пречудный и предивный отче наш Мартине, великий чудотворче и святителю Христов, нынешнее наше малое приими приношение, умоли Господа Сил и всея твари Создателя, в час исхода душ наших, избавитися вечных мук и адскаго страдания, да с тобою и со Всеми Святыми вместе совокупльшися, воспеваем Богу присно: Аллилуиа.

Кондак 13

О, пречудный и предивный отче наш Мартине, великий чудотворче и святителю Христов, нынешнее наше малое приими приношение, умоли Господа Сил и всея твари Создателя, в час исхода душ наших, избавитися вечных мук и адскаго страдания, да с тобою и со Всеми Святыми вместе совокупльшися, воспеваем Богу присно: Аллилуиа.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

НОВОЕ
* НЕБО